



INTERNATIONAL UNIVERSITY OF SARAJEVO
INTERNACIONALNI UNIVERZITET U SARAJEVU

Na osnovu člana 106. Zakona o visokom obrazovanju („Službene novine Kantona Sarajevo“, broj: 36/22) i člana 99. Statuta Internacionalnog univerziteta u Sarajevu broj IUS-SENAT-11-1720/2023, Odluke Senata broj: IUS-SENAT-11-1841/2023 od 27.06.2023. godine, Internacionalni univerzitet u Sarajevu o b j a v l j u j e

K O N K U R S
za upis studenata na prvu godinu III ciklusa studija na organizacionim jedinicama
Internacionalnog univerziteta u Sarajevu
u studijskoj 2023/2024. godini

I

Internacionalni univerzitet u Sarajevu (“IUS”) vrši prijem i upis u prvu godinu trećeg ciklusa studija u studijskoj 2023/2024. godini. Upis na IUS vrši se na sljedećim organizacionim jedinicama:

Redni broj	Naziv organizacione jedinice/fakulteta	Broj studenata (redovni samofinansirajući)		
		Državljeni BiH	Strani državljani	Ukupno
1.	Fakultet prirodnih i tehničkih nauka	13	13	26
	Odsjek prirodnih nauka			
	<i>Genetika i bioinženjering</i>	3	3	6
	Odsjek tehničkih nauka			
	<i>Računarske nauke i inženjering</i>	3	3	6
	<i>Industrijski inženjering</i>	2	2	4
	<i>Elektrotehnika i elektronika</i>	3	3	6
	<i>Mašinstvo</i>	2	2	4
2.	Fakultet umjetnosti i društvenih nauka	4	4	8
	Odsjek društvenih nauka			
	<i>Psihologija</i>	2	2	4
	Odsjek kulturoloških studija			
	<i>Engleski jezik i književnost</i>	2	2	4

	Fakultet menadžmenta i javne uprave	15	10	25
	Odsjek političkih nauka i međunarodnih odnosa			
3.	<i>Političke nauke i međunarodni odnosi</i>	5	5	10
	Odsjek ekonomije i menadžmenta			
	<i>Menadžment</i>	10	5	15
STUDIJ UČENJA NA DALJINU - DL STUDIJ				
<p>U zavisnosti od broja zainteresiranih kandidata, IUS omogućava upis u sve programe u status u fondu sati prilagođenom studentima koji nisu u mogućnosti pohađati redovni studij (studij na daljinu - "DL" - Distance Learning). Upisne kvote za DL studij jednake su kvotama za redovni studij, pri čemu maksimalan broj upisanih studenata (u oba statusa) ne prelazi dvostruki broj u odnosu na kvote prikazane ovim konkursom. Upis/prijelaz u/sa status DL studija vrši se u istom postupku i pod istim uslovima kao kod redovnog studija.</p>				

II

Pored obaveze ispunjavanja općih zakonskih uslova, pravo prijave za upis na III ciklus studija (doktorski studij) imaju kandidati sa završenim master studijama prema Bolonjskom modelu studija koji su ostvarili 300 ECTS bodova, kao i kandidati koji su završili postdiplomske studije prema ranijem modelu studija i stekli zvanje magistra nauka (predbolonjski plan i program), odnosno i kandidati koji su obrazovanje stekli izvan Bosne i Hercegovine, a za koje je nakon postupka priznavanja kvalifikacije odnosno ekvivalencije utvrđeno da imaju završeno adekvatno obrazovanje za nastavak obrazovanja na IUS ili se utvrdi obaveza polaganja razlike predmeta.

III

Nastava na svim studijskim programima izvodi se na engleskom jeziku.

Nominalno trajanje III ciklusa studija je tri studijske godine (6 semestra 180 ECTS kredita), pri čemu cijena studija uključuje i ovjeru dodatna dva semestra.

Odlukom o visini školarine i drugih usluga i troškova na Internacionalnom univerzitetu u Sarajevu utvrđena je visina školarine i drugih usluga na IUS (<https://www.ius.edu.ba/bs/cijene-i-stipendije>).

Školarina se plaća u KM preračunata prema srednjem kursu Centralne banke BiH na dan uplate.

IV

Pravo učešća na konkursu imaju, pod jednakim uvjetima, državljani Bosne i Hercegovine i strani državljani, za koje je nakon postupka priznavanja strane visokoškolske kvalifikacije utvrđeno da posjeduju odgovarajuću visokoškolsku kvalifikaciju za nastavak školovanja ili se odredi obaveza paralelnog polaganja neophodne razlike predmeta.

Odluku o pravu na upis u prvu godinu III ciklusa studija donosi posebno imenovano tijelo koje procjenjuje prethodno zvanje kandidata i stečene ishode učenja. Navedeno tijelo može utvrditi i eventualnu obavezu polaganja razlike predmeta za nastavak studija, o čemu obavještava kandidata. Izuzetno, tijelo može nakon uvida u dostavljenu dokumentaciju zahtijevati obavljanje i usmenog intervjua ili dostavljanje prijedloga naučnog istraživanja, te na osnovu tog donijeti konačnu odluku o pravu na upis.

Rangiranje se u pravilu vrši samo ukoliko je broj kandidata koji ispunjavaju formalne uslove za upis veći od predviđenog broja studenata za upis.

POTREBNI DOKUMENTI ZA UPIS**DRŽAVLJANI BOSNE I HERCEGOVINE**

Za prijem i upis u prvu godinu III ciklusa studija , kandidati državljani Bosne i Hercegovine dostavljaju:

1. Aplikacijski formular za upis sa tačno naznačenim fakultetom i studijskim programom na koji se konkuriše (dostupan na www.ius.edu.ba ili u Studentskoj službi);
2. Original i ovjerenu kopiju diplome o završenom II ciklusu studija kao i uvjerenje o položenim ispitima sa ostvarenim ocjenama tokom studija;
3. Kopiju diplome o završenom prvom ciklusu obrazovanja;
4. Rješenje o priznavanju strane kvalifikacije za kandidate koji su stekli prethodno obrazovanje izvan Bosne i Hercegovine kojom je utvrđeno da imaju završeno adekvatno obrazovanje za nastavak školovanja ili potvrda da je postupak priznavanja pokrenut. U izuzetnim slučajevima, kandidat se može uslovno upisati prije izvršenog priznavanja strane kvalifikacije;
5. Motivaciono pismo;
6. Pismo preporuke;
7. Izvod iz matične knjige rođenih ;
8. Uvjerenje o državljanstvu;
9. CV;
10. CIPS potvrda o mjestu prebivališta;
11. Dvije fotografije veličine 6x4;
12. Ljekarsko uvjerenje.

STRANI DRŽAVLJANI

Za upis i prijem u prvu godinu III ciklusa studija, kandidati strani državljani dostavljaju:

1. Aplikacijski formular za upis sa tačno naznačenim fakultetom i studijskim programom na koji se konkuriše (dostupan na www.ius.edu.ba ili u Studentskoj službi);
2. Original diplome o završenom II ciklusu studija i dodatak diplomi sa transkriptom ocjena (ukoliko se izdaje) ili drugi dokument iz kojeg se mogu utvrditi stečeni rezultati učenja;
3. Kopiju diplome o završenom prvom ciklusu obrazovanja;
4. Rješenje o priznanju inostrane visokoškolske kvalifikacije za kandidate koji su stekli prethodno obrazovanje izvan Bosne i Hercegovine kojom je utvrđeno da imaju završeno adekvatno obrazovanje za nastavak školovanja ili potvrda da je postupak priznavanja pokrenut po zahtjevu kandidata, te da kašnjenje u donošenju odgovarajućeg rješenja nije rezultat propusta koji mu se može staviti na teret. U slučaju dostavljanja potvrde, kandidat se upisuje uslovno, pri čemu preuzima punu odgovornost za blagovremeno pribavljanje rješenja o ekvivalenciji svjedochanstva;
5. Motivaciono pismo;
6. Pismo preporuke;
7. Kopija pasoša (koji je validan još najmanje dvije godine);
8. Ljekarsko uvjerenje (za strane studente koji ne rade dozvolu boravka preko IUS-a);
9. Dvije fotografije veličine 6x4;
10. CV.

POZNAVANJE ENGLESKOG JEZIKA

Kandidati koji apliciraju za upis obavezni su dokazati poznavanje engleskog jezika na jedan od sljedećih načina:

a. dokaz o odgovarajućem broju bodova ostvarenom na jednom od sljedećih međunarodno priznatih ispita engleskog jezika:

-IBT Internet based TOEFL (minimalno 80 bodova), u Turskoj položen samo pri centrima za testiranje u okviru univerziteta*;

-IELTS - (Academic) minimalno 6.5, položen samo u British Council centru*;

**TOEFL/IELTS rezultati ostvareni u bilo kojem drugom centru za testiranje (privatni kursevi jezika i sl.) neće biti uvaženi kao dokaz o poznavanju jezika na IUS-u.*

Po primitku ORIGINALNE bodovne liste sa TOEFL/IELTS, kandidat će istu dostaviti LIČNO Direktor ELA-a za potrebe uvida i intervjua. Kopija o položenom testu neće biti uvažena kao dokaz o poznavanju jezika. Vrijeme trajanja bodovne liste je naznačeno na istoj;

b. posjedovanje diplome dodiplomskog ili postdiplomskog studija koja je stečena u državi u kojoj je engleski jezik službeni jezik;

c. dokaz o ostvarenih 60 ECTS studijskih bodova na univerzitetu na kojem je engleski jezik službeni jezik, s tim da od datuma sticanja ECTS bodova i datuma prijave za upis na IUS nije prošlo više od dvije godine (kao dokaz može da se podnese uvjerenje o položenim ispitima ili drugi odgovarajući dokument);

d. diploma jedne od sljedećih srednjih škola:

- AICE diploma: Cambridge Advanced International Certificate of Education;

- IB diploma: International Baccalaureate;

e. dokaz kojim se potvrđuje da je engleski maternji jezik kandidata;

Kandidati koji imaju FCE certifikat sa minimalnom ocjenom B2 oslobođeni su polaganja ELA "Placement exam" i mogu direktno pristupiti ELA "Proficiency exam".

Kandidati koji ne prilože jedan od navedenih dokaza o poznavanju engleskog jezika polažu "Proficiency Exam" (Test osposobljenosti) koji IUS organizuje početkom svake studijske godine.

U slučaju neispunjenja jednog od kriterija kojim se utvrđuje posjedovanje neophodnog nivoa poznavanja engleskog jezika, kandidat je obavezan prethodno pohađati Školu engleskog jezika u skladu sa općim aktima.

VI

Konkurs ostaje otvoren do **21.09.2023.** godine.

Ukoliko se u prvom upisnom roku ne primi planirani broj kandidata, IUS može produžiti rok za dostavu prijave za upis na Konkurs najkasnije do **02.02.2024.** godine, te objaviti (dopunjenu) konačnu listu upisanih studenata, u kojem slučaju se početak studijske godine utvrđuje Kalendarom organizacije i realizacije nastavnih programa. Pravo prijave u drugom roku imaju svi kandidati koji su konkurisali u prvom upisnom roku, kao i kandidati koji nisu konkurisali ranije.

Listu primljenih i prijavljenih kandidata na fakultete, IUS će objaviti nakon što je verificira nadležno tijelo na oglasnoj ploči najkasnije dva dana nakon isteka roka za podnošenje prijave na konkurs.

Na objavljenu preliminarnu listu kandidati imaju pravo prigovora u roku od tri dana od dana objave iste.

Konačni spisak upisanih studenata, IUS će objaviti najkasnije pet dana nakon objavljivanja preliminarne liste.

U roku od sedam dana od dana objave konačne rang-liste kandidat koji je ostvario pravo na upis je obavezan dostaviti originalne dokumente organizacionoj jedinici, u suprotnom smatra se da je odustao od upisa na studijski program za koji je aplicirao. Za svrhu konačnog upisa, primljeni kandidat do okončanja žalbenih rokova potpisuje i ugovor o studiranju i dostavlja popunjen statistički obrazac (ŠV obrazac).

IUS može diskreciono dozvoliti i naknadnu dostavu traženih dokumenata ili originala, ukoliko je isto opravdano ili uvjetovano posebnim okolnostima, a koje se cijene u svakom konkretnom slučaju (međunarodni programi koji izdaju certifikate sa kasnijim datumom, zajednički programi koje organizuje IUS sa partnerskim univerzitetima, ratne okolnosti i sl.) U navedenom slučaju, ukoliko kandidat ne dostavi tražene dokumente u datom roku, gubi status studenta.

Ukoliko se na određeni studijski program/model studiranja ne prijavi dovoljan broj kandidata, IUS zadržava pravo da ne pokreće predmetni studijski program/model studiranja u 2023/2024. studijskoj godini.

U slučaju da na neki od studijskih programa IUS ne upiše planirani broj studenata državljana BiH, IUS može u okviru ukupne kvote za taj studijski program upisati dodatni broj stranih studenata, i obrnuto.

VII

Prijave sa potrebnom dokumentacijom kandidati državljeni BiH i IUS diplomanti dostavljaju elektronski na slijedeću e-mail adresu: graduateoffice@ius.edu.ba.

Strani državljeni se prijavljuju putem slijedećeg linka: www.apply.ius.edu.ba

Sve dodatne informacije zainteresovani kandidati mogu dobiti putem broja telefona 033957151 ili e-mail adrese graduateoffice@ius.edu.ba.

Nepotpune i neblagovremene prijave neće se uzimati u razmatranje.

REKTOR

Prof. dr Ahmet YILDIRIM